

ue moeder **maria** hadde van dinen
 doet die heuestu in dinre verrisenisse
 verwandelt in onghemeten vroude
Ick bidde verlosse my in die vre mine
 doet vander ewigher pijnen die ick
 verdient hebbe om mine sonden **O**
 guedertiren troester alder gheerne die
 in dy hopen die magdalenen die in
 dy hope sochten ende schreyde **en** ghe
 weerdichste toe troesten myt oetmoedi
 ghen toe spreken **I**ck bidde verlosse my
 in die leste tijt mijns leuens als ick
 gheen toevlucht heb in dan dan totti
 gheen troest dan din suete teghewoer
 dicheit wil my dan verlossen van dat
 ewighe schreyen **I**ck bidde dy alre suet
 ste **J**esu doer die weerdich^t myt welke
 du dy sonderlinghe gheweerdichste
 toe verblijden din discipulen. alstu s
 sprekest vrede sy myt v en wilt v niet
 ontsien ick bynt **O**ttre my by in mine
 lester moet mytten ghewarighe vrede